



Broj: T18 0 KT 0018461 25
Brčko: 17. novembar 2025. godine

Optužnica potvrđena dana 02.12.2025. godine

Na osnovu člana 35. stav (2) tačka i) i člana 226. stav (1) Zakona o krivičnom postupku Brčko distrikta BiH, podižem:

O P T U Ž N I C U

Protiv:

S.V., rođen 1998. godine u Brčkom,

Što je:

1. Dana 23.03.2025. godine u mjestu Potočari bb, Brčko distrikt BiH, ispred kuće S.V., u stanju bitno smanjene uračunljivosti usljed faze apstinencijalne krize koja se manifestovala u psihomotornoj uznemirenosti, impulsivnosti, nesanici i agresivnosti, svjestan da bacanjem betonske cigle na motorno vozilo isto može oštetiti, a što je i htio, nakon kraće verbalne rasprave sa svojim bratom S., bacio betonsku ciglu na parkirano motorno vozilo marke „Ford“ registarskih oznaka ..., usljed čega je došlo do pucanja vjetrobranskog stakla, a nakon toga uzeo limenu lopatu za snijeg, kojom je razbio desno zadnje bočno staklo, srednje lijevo bočno staklo, te na poklopcu motora napravio oštećenja u vidu ogrebotina, nakon čega je otišao do pomoćnog objekta-ljetne kuhinje, te upotrebom limene lopate za snijeg u potpunosti razbio staklo na lijevom krilu vrata, dok je na desnom krilu razbio samo vanjsko staklo, čime je na takav način vlasniku pričinio materijalnu štetu u iznosu od 1.650,00 KM

dakle, oštetio tuđu stvar

2. Dana 11.07.2025.godine, oko 14,40 sati, u ulici ..., Brčko distrikt BiH, u stanju bitno smanjene uračunljivosti usljed psihotičnog procesa-privremene duševne poremećenosti i pod uticajem vidnih i slušnih halucijacija, došao na benzinsku pumpu „NGV“ vlasništvo T.V., ušao u unutrašnjost i kupio jednu flašu vina, nakon čega je izašao iz objekta, a za njim i radnik pumpe M.T. kako bi uslužio kupca, pa je S. svjestan i sa namjerom da oduzme tuđu stvar, a što je i htio, iskoristio M. odsustvo iz objekta, razbio staklenu flašu od vina koju je prethodno kupio i uz povik „ovo je pljačka“ trčeći sa grlićem flaše u ruci, ušao u prostorije benzinske pumpe, te s ciljem pribavljanja protivpravne imovinske koristi male vrijednosti iz ladice oduzeo novac, u apoenu od 100 KM, 2x po 50, 00 KM i 5 eura, nakon čega je pokušao izaći iz objekta u čemu je onemogućen od strane M., koji je zatvorio vrata objekta i držao ih do dolaska policije,

dakle, na naročito drzak način tuđu pokretninu male vrijednosti oduzeo drugome, s ciljem da njenim prisvajanjem pribavi sebi protivpravnu imovinsku korist,

čime je radnjama opisanim pod tačkom 1.optužnice počinio krivično djelo – Oštećenje tuđe stvari – iz člana 287 stav 1 Krivičnog zakona Brčko distrikta BiH, a radnjama opisanim pod tačkom 2. počinio krivično djelo – Teška krađa – iz člana 281 stav 3 u vezi sa stavom 1 tačka 2 Krivičnog zakona Brčko distrikta BiH, a sve u vezi sa članom 54 istog Zakona

[...]

****Ovom objavom ne prejudicira se ishod krivičnog postupka i ne narušava princip presumpcije nevinosti.
Svako se smatra nevinim dok se pravosnažnom presudom ne utvrdi njegova krivica****
